

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

সী এ্যাঞ্জেল স্মরণে চট্টগ্রামে নতুন বহুমুখী ঘূর্ণিঝড় আশ্রয় কেন্দ্র

৭ ই সেপ্টেম্বর, ঢাকা -- যুক্তরাষ্ট্রের থার্ড মেরিন এক্সপেডিশনারী ফোর্স ও বাংলাদেশ আর্মড ফোর্সেস যৌথভাবে চট্টগ্রামে ৭ সেপ্টেম্বর বহুমুখী ঘূর্ণিঝড় আশ্রয় কেন্দ্রের কাজ শুরু করেছে। বাংলাদেশের দুর্যোগ প্রস্তুতির উন্নতিকল্পে যুক্তরাষ্ট্রের সহযোগিতায় “অপারেশন সী এ্যাঞ্জেল” ও বাংলাদেশে দুর্যোগ মোকাবেলায় ত্রাণসামগ্রী বিতরণের ২০ বছর পূর্তি উপলক্ষ্যে দু দেশের সামরিক বাহিনীর সদস্যরা চট্টগ্রামে বহুমুখী ঘূর্ণিঝড় আশ্রয় কেন্দ্রের নির্মাণকাজ এ বছরের মে মাসে শুরু করেছে যা এ মাসের ২৮ তারিখে শেষ হবে।

বাংলাদেশ ও যুক্তরাষ্ট্রের আর্মড ফোর্সেস এর সহযোগিতায় ১৯৯১ সালের মে মাসের প্রলয়ংকরী ঘূর্ণিঝড় এর পর ‘অপারেশন সী এ্যাঞ্জেল’ এ দেশের হাজারো জনগণের জীবন রক্ষায় ভূমিকা রাখে। যুক্তরাষ্ট্র ও বাংলাদেশের সরকার একই লক্ষ্যে একযোগে ঘূর্ণিঝড়জনিত জনসাধারণের সাহায্যে এগিয়ে আসে এবং সকল বাধা অতিক্রম করে দুর্গম এলাকায় জনসাধারণের মাঝে ত্রাণ পৌছাতে সক্ষম হয়। ২০ বছর পর ২০১১ সালের মে মাসে অপারেশন সী এ্যাঞ্জেল স্মারক অনুষ্ঠানে যুক্তরাষ্ট্রের রাষ্ট্রদূত জেমস মরিয়ার্টি উলেখ করেন যে গত ২০ বছর ধরে দু দেশের মধ্যে এ ধরনের যৌথ কার্যক্রম এর ফলে বাংলাদেশ ও যুক্তরাষ্ট্রের মধ্যে আজকের এ দৃঢ় অংশীদারিত্বের সম্পর্ক তৈরী হয়েছে।

২০০৮ সাল থেকে যুক্তরাষ্ট্র সরকার ১০ মিলিয়ন ডলার ব্যায়ে ৪০ টি বহুমুখী ঘূর্ণিঝড় আশ্রয় কেন্দ্র নির্মাণ করেছে চট্টগ্রামে, খুলনায়, বরিশালে ও রাজশাহী জেলায়। প্রতিটি কেন্দ্র জরুরী অবস্থায় ১২০০-১৫০০ লোককে আশ্রয় দিতে পারে। প্রাকৃতিক বিপর্যয়ের সময় আশ্রয়গ্রহণকারীদের জন্য সৌর চালিত জরুরী বিদ্যুৎ ও পানি সরবরাহের ব্যবস্থা রয়েছে। অন্যান্য স্বাভাবিক সময় কেন্দ্রটি বিদ্যালয় হিসেবে ব্যবহৃত হবে যেখানে ১২০ জন শিক্ষার্থী ডেস্ক, চেয়ার, চকবোর্ড, বাতি ও বৈদ্যুতিক পাখার নিচে শিক্ষা অর্জন করতে পারবে।

=====

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।